

DIE XIV. NOVEMBRIS.

IN FESTO

S. SERAPIONIS MARTYRIS,

ORDINIS B. M. V. DE MERCEDE, REDEMPTIO-  
NIS CAPTIVORUM.

*Duplex secundæ Clasis cum octava.*

AD VESPERAS.

*Antiph. Serapion Confes-  
sus. Cum reliquis de Laud.*

*Psalm. Dixit Dominus.  
Cum reliquis de Dominica,  
& loco ultimi. Psalm. Lau-  
date Dominum omnes Gen-  
tes. Pag. 13.*

CAPITULUM.

*Ex Epist. ad Philipp.  
Cap. 1. v. 28. 29. 30.*

**F**Ratres, in nullo tērea-  
mini ab adversariis: quia  
vobis donatum est pro Chris-  
to, non solum ut in eum cre-  
datis, sed ut etiam pro illo  
patiamini: idem certamen  
habentes, quale & vidistis

in me, & nunc audistis de  
me.

HYMNUS.

**M**artyris laudes canimus  
Britanni,  
Qui suam ponens ani-  
mam, resolvit  
Obses afflictos, Dominum  
sequutus  
In Cruce pendens.  
Gessit impubes animum se-  
nilem,  
Se pium verbis, crucis &  
sequela,  
Gressibus mundis, oculis,  
suoque  
Nomine prodens.  
Jam puer miro nituit pu-  
dore,  
Omne virtutum genus as-  
secutus:

Virginis matris niveo mē-  
rere

Agmine gestit.

Hinc pugil primum, Sacer  
institutus

Miles, horrendis domuit  
flagellis

Membra, compassus me-  
ditans frequenter

Vulnera Christi.

Prædicans Jesum, cohibet  
scelestos,

Perditas sanctis monitis  
coercet

Foeminas, casti faciens  
amoris

Ignem flagrare.

Sed Redemptoris relegens  
tenenda

Signa, maurorum veniens  
ad oras

Sexies, vinctos redimit,  
cruenta

Verbera passus.

Laus, honor, virtus tibi sit  
perennis.

Celsa majestas hominum  
Creatrix,

Quem Deum trinum cele-  
brant, & unum

Rite fideles. Amen.

ψ. Sicut aqua effusus sum.

ϣ. Et dispersa sunt omnia  
ossa mea.

## AD MAGNIFICAT.

*Antiph.* Beatus Serapion  
à terrenis suspensus, Ray-  
mundo dicebat: Cupio dis-  
solvi, & esse cum Christo;  
mihi enim vivere Christus  
est, & mori locrum.

## ORATIO.

**C**orda nostra tui amoris  
igne, Jesu Redemptor,  
inflamma; ut, sicut Beatus  
Serapion pro fidelibus redi-  
mendis actus in crucem, te  
sequutus occubuit: ita pia  
ejus intercessione nullis fran-  
gamur adversis, & tuæ Cru-  
cis semper inhæreamus am-  
plexibus. Qui vivis, & reg-  
nas cum Deo Patre, &c.

## AD MATUTINUM.

### INVITATORIUM.

Christum Redemptorem,  
qui Beatum hodie coronavit  
Serapionem. \* Venite ado-  
remus.

*Psalm.* Venite exultemus.  
16.

Hymnus.

**C**OHors Mariæ jubila,  
Serapionis inclyti  
Pio decora nominæ,  
Sparso cruore clarior.  
Terras petens Hispaniæ,  
Mauros ut ense sterneret;  
Pios Redemptos intuens,  
Cupit Redemptor effici.  
Tum bella linquens horrida,  
Turman sequutus Virgi-  
nis,  
Hic Militaris Ordinis  
Decus peremptus ampliat.  
Ad Christiani nominis  
Fidem reducit barbaros,  
Multos fideles roborat,  
Ne veritatem deserant.  
Tormenta Christi ruminans,  
Parcit libenter hostibus,  
Alens amanter indigos,  
Vinctis catenas detrahit.  
Vas inde factus impiis,  
Subit flagella, carceres,  
Crucem; recisis illis  
In frusta sectus parvula.  
Præsta beata Trinitas  
Rogatibus Serapii,  
Ut charitatis viscera  
Geramus omni tempore.  
Amen.

IN I. NOCTURNO.

*Antiph.* Serapion non abiit

3  
in consilio impiorum, & in  
via peccatorum non stetit;  
sed in lege, & passione Do-  
mini meditabatur die, ac  
nocte.

*Psalm.* Beatus vir, qui  
non abiit. 17.

*Antiph.* Prædicans præ-  
ceptum Domini, dirupit vin-  
cula peccatorum, faciens eos  
servire Domino in timo-  
re.

*Psalm.* Quare fremuerunt.  
18.

*Antiph.* Quia zelavit su-  
per iniquos, pacem peccato-  
rum videns, multiplicati  
sunt qui tribulant me.

*Psalm.* Domine, quid  
multiplicati sunt. 18.

ψ. Tribulationem, & do-  
lorem inveni.

℞. Et nomen Domini in-  
vocavi.

De Epistola B. Pauli Apos-  
toli ad Hebræos.

LECTIO I.

*Ex cap. 11. à vers. 32. ad 37.*

*cap. 12. à vers. 1. ad 7.*

*& à vers. 11. ad 16.*

**E**T quid adhuc dicam?  
Deficiet enim me tem-

pus enarrantem de Gedeon, Barac, Samson, Jephthe, David, Samuel, & Prophetis: Qui per fidem vicerunt regna, operati sunt justitiam, adepti sunt repromissiones, obturaverunt ora leonum, extinxerunt impetum ignis, effugerunt aciem gladii; convaluerunt de infirmitate, fortes facti sunt in bello, castra verterunt exterorum: acceperunt mulieres de resurrectione mortuos suos. Alii autem distenti sunt, non suscipientes redemptionem, ut meliorem invenirent resurrectionem. Alii vero ludibria, et verbera experti, insuper & vincula, & carceres: lapidati sunt, secti sunt, tentati sunt, in occisione gladii mortui sunt.

℞. Serapion fortis factus est in bello, et pro Captivis, ac Christi fide in Cruce distentus, non suscepit redemptionem, \* Ut meliorem in veniret resurrectionem.

℥. Ludibria, & verbera expertus, insuper & vincula, & carceres, sectus est, tentatus est, in occisione gladii mortuus est. Ut meliorem.

## LECTIO II.

**I**Deoque & nos tantam habentes impositam nubem testium, deponentes omne pondus, & circumstantes nos peccatum, per patientiam curramus, ad propositum nobis certamen: aspicientes in auctorem Fidei, & consummatorem Jesum, qui proposito sibi gaudio sustinuit Crucem; confusione contempta, atque in dextera sedis Dei sedet. Recogitate enim eum, qui talem sustinuit à peccatoribus adversum semetipsum contradictionem, ut ne fatigemini, animis vestris deficientes. Nondum enim usque ad sanguinem restitistis, adversus peccatum repugnantes: & obliti estis consolationis, quæ vobis tanquam filiis loquitur, dicens: Fili mi, noli negligere disciplinam Domini: neque fatigeris dum ab eo argueris. Quem enim diligit Dominus, castigat; flagellat autem omnem filium, quem recipit.

℞. Per patientiam cucurrit ad propositum sibi cer-

tamen : aspiciens in auctorem fidei , & consummatorem Jesum : \* Qui proposito sibi gaudio sustinuit Crucem , confusione contempta.

ŷ. Usque ad sanguinem restitit repugnans adversus peccatum , recogitans eum , qui talem sustinuit à peccatoribus adversus semetipsum contradictionem. Qui proposito sibi gaudio.

### LECTIO III.

**I**N disciplina, perseverate. Omnis autem disciplina in præsentem quidem videtur non esse gaudii, sed moeroris : postea autem fructum pacatissimum , exercitatis per eam , reddet justitiæ. Propter quod remissas manus & soluta genua erigite , & gressus rectos facite pedibus vestris : ut non claudicans quis erret , magis autem sanetur. Pacem sequimini cum omnibus , & sanctimoniam , sine qua nemo videbit Deum , contemplantes , ne quis desit gratiæ Dei : ne qua radix amaritudinis sursum germinans

5  
impediat , & per illam in-  
quibentur multi. Ne quis  
fornicator , aut profanus ut  
Esau : qui propter unam  
escam vendidit primitiva  
sua.

ŷ. Prædicans Captivis indulgentiam , & consolans omnes lugentes , dicebat eis : Filioli mei , nolite negligere disciplinam Domini. \* Quem enim diligit Deus , castigat : flagellat autem omnem filium , quem recipit.

ŷ. Propter quod remissas manus , & soluta genua erigite : & gressus rectos facite pedibus vestris. Quem enim diligit. Gloria Patri. Quem enim diligit.

### IN II. NOCTURNO.

*Antiph.* Sperans in Domino , sacrificavit ei Sacrificium justitiæ , reddens Altissimo vota sua.

*Psalm.* Cum invocarem.  
21.

*Antiph.* Magis eligens affligi cum populo Dei , quam temporalis peccati habere jucunditatem , introivit in Domum Dei.

\*

*Psalm.* Verba mea. 21.

*Antiph.* Videbo Coelos apertos, quia in Cruce confessus fui admirabile nomen tuum, Domine.

*Psalm.* Dñe. Dñus. noster. 22.

ψ. Cupio dissolvi, & esse cum Christo.

℞. Mihi enim vivere Christus est, & mori lucrum.

#### LECTIO IV.

**S**erapion natione Anglus illustri genere natus, adolescens in Aula Ducis Austriae, ut perhibent, educatus est, reique militari operam dedit. In Hispaniam cum ipso Duce, suppeditas Alphonso Castellae Regi adversus Infideles Mauros ferente profectus, ibi diutius stipendia facere constituit, occasionem cupiens cum christiani nominis hostibus congregiendi. Voti compos à Duce factus, & in Hispania relictus, sub Alphonso Rege aliquot annis in christiana fide dilanda strenue militavit. Cum autem in Religiosos Ordinis Beatæ Mariæ de

Mercede tunc recens instituti à Bæticae partibus cum Captivis reduces forte incidisset, ejusmodi Captivos redimendi Instituto magnopere delectatus, sacratioris hujus militiae desiderio coepit incendi.

℞. Beatus Serapion de militia translatus in militiam, animo sitiendi ad pugnam egressus non corporea aliqua, sed Sancti Spiritus armatura se induit: \* Justitia scilicet, & Fide.

ψ. Quonian non adversus carnem, & sanguinem, sed adversus Principatus, & Potestates bellum susceperat. Justitia scilicet.

#### LECTIO V.

**I**Taque à Sancto Petro Nolasco, qui Barchinone praesens aderat, Ordini adscriptus, virtutum omnium exercitio se totum addixit. Orationem, humilitatem, carnis mortificationem, & castitatem impense coluit. Divini honoris, & salutis animarum zelo succensus, plures à vitiorum coeno ad virtutem, perditasque mu-

lieres ad poenitentiam revocavit, Ordinem suum, longis etiam itineribus susceptis, & laboribus, flagellis, probris eximia patientia toleratis, mirificè propagavit. Injuriarum immemor, persecutoribus suis beneficia rependere consuevit. Hospitalis in pauperes, erga Captivos effuse misericors, Crucis, & martyrii adeò cupidus, ut in familiaris sermone cum S. Raymundo Nonnato, quem sibi conjunctissimum, & in vita spirituali alumnum habuit, illud Apostoli, occasione data, sæpe usurparet: Cupio dissolvi, & esse cum Christo; mihi enim vivere Christus est, & mori lucrum.

ꝰ. Serapion vehementer anhelans pro nomine Jesu contumeliam pati, & tradere animam suam, Raymundum alloquebatur, dicens: cupio dissolvi, & esse cum Christo: \* Mihi enim vivere Christus est, & mori lucrum.

ꝱ. Anima mea desideravit te in nocte; sed, & spiritu meo in præcordiis

meis de mane vigilabo ad te. Mihi enim.

## LECTIO VI.

**H**Inc ad barbaras Infidelium regiones ad Captivos redimendos semel atque interum libentissimè se contulit; donec Algiaræ in Africa Captivis plusquam octaginta redemptis, & in Hispaniam cum Berengario socio remissis, ipse, deficiente Redemptio- nis pretio, pro reliquis obsidem sese obtulit, & in servitutem addixit. Cumque libere nihilominus veram fidem annuntiaret, & plures Christo lucrifaceret, ab indignato Maurorum Præsidi vinculis primum adstringit, in carcerem trudi, & crudelissime cædi jubetur. Mox capite damnatus, & Cruci affixus, singulis artuum compagibus articulatim concisis, in ea oratione: Ne tradas bestiis animas confitentes tibi: Salva Domine animas, quas pretioso sanguine redemisti, dissecto jugulo victor, anno Domi-

ni millesimo ducentesimo quadragesimo ad martyrii coronam evolavit.

*R.* O bona Crux, quæ decorem, ac pulchritudinem de membris Domini suscepisti: accipe me ab hominibus, & redde me Magistro meo: \* Ut per te me recipiat, qui per te me redemit.

*ÿ.* Beatus Serapion expansis manibus ad Coelum orabat dicens: Salva me bona Crux. Ut per te. Gloria Patri. Ut per te me recipiat.

### IN III. NOCTURNO.

*Antiph.* Gladium evaginarunt peccatores, ut deicerent pauperem, & inopem: ut trucidarent justum, pium, & rectum corde.

*Psalm.* In Dño. confido.  
91.

*Antiph.* Pecuniam suam non dedit ad usuram: sed in Captivos impendit, & superimpendit semetipsum.

*Psalm.* Domine, quis habitavit. 24.

*Antiph.* Renuit consolari anima mea: memor fui Dei

mei, & super salutare suum exultavi vehementer.

*Psalm.* Domine in virtute tua. 24.

*ÿ.* Humiliasti nos in loco afflictionis.

*R.* Et cooperuit nos umbra mortis.

Lectio Sancti Evangelii secundum Matthæum.

*Cap. 10.*

### LECTIO VII.

**I**N illo tempore: dixit Jesus Discipulis suis: Nihil est opertum, quod non revelabitur, & occultum, quod non scietur. Et reliqua.

Homilia S. Augustini  
Episcopi.

*Serm. 13. de Martyribus.*

**A**Dmonent nos eloquia divina, quæ electa sunt, timendo non timere, & non timendo timere. Ait enim: Nolite timere eos qui corpus occidunt, animam autem non possunt occidere. Ecce ubi monuit,



ne timeremus. Videte ubi monuerit, ut timeremus. Sed eum, inquit, timete, qui potestatem habet, & corpus, & animam occidere in gehenna. Ergo timeamus, ut non timeamus. Timor videtur ad ignaviam pertinere; timor infirmorum videtur esse non fortium. Sed videte quid ait Scriptura: Timor Domini spes fortitudinis. Timeamus, ne timeamus: hoc est, prudenter timeamus, ne inaniter timeamus.

R. Servus Mariæ ducatur ad Crucem, & Captivi clamabant: concede nobis hominem justum: redde nobis hominem sanctum. \* Ne interficias hominem Deo charum, justum, mansuetum, & pium.

ÿ. Serapion vero de Cruce pro illis Dominum precabatur: ne tradas bestiis animas confitentes tibi; & Captivi clamabant. Ne interficias.

### LECTIO VIII.

**D**Icat ergo fortissimus Martyr, stans homo

ante hominem: Non timeo, quia timeo. Tu quod minaris, si ille nolit, non facis: quod autem ille minatur, ut faciat, à nullo impeditur. Deinde tu quod minaris, & si permitteris, quid facis? usque ad carnem sævis, anima tuta est. Non occides quod non vides; visibilis visibilem terres. Habemus ambo invisibilem creatorem, quem simul timere debeamus, qui hominem ipsum ex visibili, & invisibili creavit: visibilem de terra fecit, invisibilem flatu suo animavit. Potes ferire habitaculum, nunquid habitatorem? Fugit percusso vinculo colligatus, & erit in occulto coronatus.

R. Dum invictus Martyr Christi sævissimè crudeliterque torqueretur in Cruce, canebat dicens: Quis me separabit à charitate Christi? & in plagis, quæ sibi ab hostibus infligebantur, fortiter perferendis. \* Corpore, & spiritu se validum præbebat.

ÿ. Ad accendendam magis tyrannicæ crudelitatis

impietatem, & ad satian-  
dam furoris sui, rabiem,  
inaudita artificis feritas, no-  
va, & exquisita invenit poe-  
narum supplicia: Athleta  
vero Christi. Corpore, &  
spiritu. Gloria Patri. Cor-  
pore, & spiritu.

## LECTIO IX.

**Q**uid ergo minaris, qui  
animæ nihil facere po-  
tes? Per meritum ejus,  
cui facere nihil potes, re-  
surget cui facere aliquid  
potes. Per meritum enim  
animæ resurget & caro: &  
habitatori reddetur, jam  
non ruitura, sed mansura.  
Ecce (verba Martyris dico)  
Ecce nec propter ipsam car-  
nem meam timeo commi-  
nantem. Caro mea subjacer  
potestati? sed etiam capilli  
capitis mei numerati sunt  
Creatori. Quid timeo ne  
carnem perdam, qui nec  
capillum perdo? Quomodo  
non attendit carnem meam,  
cui sic nota sunt vilia mea?  
Te Deum laudamus &c.

ADLAUD. ET PER HOR.

*Añã.* Serapion confessus

nomen Domini Jesu Christi,  
in Cruce pendens pro fide-  
libus redimendis animam  
suam posuit.

*Psalm.* Dominus regna-  
vit. *Cum reliquis de Laudibus,* 28.

*Añã.* Quia sine timore  
loquebar de testimoniis tuis  
in conspectu Regum, ideo  
flagellatus sævissimè Cruci  
affixus fui.

*Añã.* Dum confringuntur  
ossa mea, exprobraverunt  
mihi inimici mei.

*Añã.* Concidit me Deus  
vulnere super vulnus, effu-  
dit in terra viscera mea, &  
dispersa sunt ossa mea.

*Añã.* Beatus Serapion fun-  
datus supra firmam petram,  
invicta patientia certans us-  
que ad mortem, hodie  
martyrii gloria & honore  
coronatus est.

## CAPITULUM.

*Ex Epist. ad Philipp.**Cap. I. v. 28. 29. 30.*

**F**Ratres, in nullo terrea-  
mini ab adversariis:  
quia vobis donatum est pro  
Christo, non solum ut in

eum credatis, sed ut etiam pro illo patiamini : idem certamen habentes, quale & vidistis in me, & nunc audistis de me.

#### HYMNUS.

**F**estivis resonent carmina  
plausibus,  
Læta Christicolæ voce Serapium,  
Et dignis celebrent laudibus additum  
Sanctis Cælicolum choris.  
Quem mox a puero Cælica munera  
Quærentem, pietas omnibus omnia  
Factum mirificis dotibus imbuit,  
Dignum nomine denotans.  
Pro Christo sitiens fundere sanguinem,  
Et parens docili mente Deo, volens  
Nolasco socium se dat, & impiger  
Tan clarum sequitur Ducem.  
Augmentum cupiens Ordinis, Insulam  
Hibernam repetit, verbera sustinens:  
Jactatus tumidis flucti-

bus impetrat  
Vitæ lumina mortuis.  
Vinctis compatiens, barbara pluries,  
Nihil mortem veritus, litorea circumit:  
Postremo veniens lætus in Africam,  
Multus nexibus eximit.  
Obses sponte datus gentibus impiis,  
Primum carceribus, mox Cruce plectitur,  
Fusis visceribus, rursus atrociter  
Cunctis scinditur artubus.  
Nobis Omnipotens annue Trinitas,  
Istius meritis dans pia viscera;  
Ut tandem Superum coetibus inseras,  
Reddens peridita præmia.  
Amen.  
ÿ. Quid mihi est in Coelo?  
ÿ. Et à te quid volui super terram?

#### AD BENEDICTUS.

*Ant.* Dum inclytus Serapion charitate, & fortitudine refulgens, constantissimè pro Christi nomine tormenta perferret, qui sede-

bant in tenebris, et umbra mortis, ejus exemplo ad constantiam profecerunt.

## ORATIO.

**C**orda nostra tui amoris igne, Jesu Redemptor, inflamma, ut, sicut Beatus Serapion pro Fidelibus redimendis actus in crucem, te sequutus occubuit: ita pia ejus intercessione nullis frangamur adversis, & tuæ Crucis semper inhæreamus amplexibus. Qui vivis, & regnas cum Deo Patre &c.

## AD TERTIAM.

*Añã.* Quia sine timore.

## CAPITULUM.

Fratres: in nullo, *ut sup.*  
*R. brev.* Tribulationem, \*  
 & dolorem inveni. Et nomen Domini invocavi. Et dolorem. Gloria Patri. Tribulationem.

ÿ. Cupio dissolvi, & esse cum Christo.

R. Mihi enim vivere Christus est, & mori lucrum.

## AD SEXTAM.

*Añã.* Dum confringuntur.

## CAPITULUM.

*Ad Roman. Cap. 8. v. 38. 39.*

**C**ertus sum, quia neque mors, neque vita, neque Angeli, neque Principatus, neque Virtutes, neque instantia, neque futura, neque fortitudo, neque altitudo, neque profundum, neque creatura alia poterit nos separare à charitate Dei, quæ est in Christo Jesu Domino nostro.

R. *brev.* Cupio dissolvi, \*  
 Et esse cum Christo. Cupio dissolvi.

ÿ. Mihi enim vivere Christus est, & mori lucrum, Et esse. Gloria Patri. Cupio dissolvi.

ÿ. Humiliasti nos in loco afflictionis.

R. Et cooperuit nos umbra mortis.

## AD NONAM.

*Añã.* Beatus Serapion.

Ad Galat. 6. v. 14.

**M**Ihi autem absit gloria, nisi in Cruce Domini Nostri Jesu Christi, per quem mihi Mundus crucifixus est, & ego Mundo.

R. *brev.* Humiliasti nos \* In loco afflictionis. Humiliasti nos.

ψ. Et cooperuit nos umbra mortis. In loco. Gloria Patri. Humiliasti nos.

ψ. Quid mihi est in Coelo?

Ꝟ. Et à te quid volui super terram?

*Omnia ut in primis, sed loco ultimi.*

*Psal.* Credidi, propter quod locutus sum, 128.


ψ. Quid mihi est in Coelo.

Ꝟ. Et à te quid volui super terram.

AD MAGNIFICAT.

*Ana.* Beatus Serapion, dum in Cruce distentus articulatim concideretur, pro Captivis Dominum orabat dicens: ne tradas bestiarum animas confitentes tibi: salva, Domine, animas, quas pretioso sanguine redemisti.

ORATIO, *ut supra.*



## DECRETUM

### ORDINIS B. M. V. DE MERCEDE,

#### REDEMPTIONIS CAPTIVORUM.

*C*um die 3. Augusti 1741. S. M. Benedictus XIV. supplicante Procuratore Generali Ordinis B. M. V. de Mercede, Redemptionis Captivorum, concesserit omnibus Religiosis totius præfati Ordinis, qui ad Horas Canoni-

*cas tenentur, Orationem, &c. Lectiones II. Nocturni proprias in honorem B. SERAPIONIS MARTYRIS; die vero 27. Aprilis 1791. ad preces P. Fr. Salvatoris Moya Procuratoris Generalis ejusdem Ordinis, Sanctissimus Dominus Noster PIUS VI. Pont. Max. universo prædicto Ordini concesserit Hymnos in utriusque Vesperis, Matutino & Laudibus, cum Lectionibus I. Nocturni propriis, & Missa itidem propria: Sanctitas Sua, eodem Procuratore Generali supplicante, & R. P. D. Carolo Erskine Fidei Promotore referente, reliqua etiam propria, ut in superiori exemplo, ab Em. & Rev. Domino Cardinali Archinto Sacr. Rituum Congregationis Præfecto, & ab eodem Fidei Promotore revisa, & approbata, in Officio ejusdem BEATI ab universo item Ordine recitari posse concessit. Die 9. Junii 1792.*

J. Card. Archintus Præfectus.

Loco ✠ Sigilli.

D. Coppola S. R. C. Secretarius.

Reimprimatur: Dr. Oñate, V. G.

---

*Valentie*: In Officina Emmanuelis Muñoz, & Societatis,  
in Platea S. Augustini.